



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01- /18.godine

Datum: _____ 2018.godine

PRIJEDLOG

Na osnovu člana 14. Statuta Općine Tešanj («Službeni glasnik Općine Tešanj», broj: 11/07) i člana 116a. Poslovnika o radu Općinskog vijeća Tešanj («Službeni glasnik Općine Tešanj», broj: 7/08, 1/12, 7 /12, 10/14 i 1/18), i zaključka Kolegija Vijeća od 15.05.2017.godine, Općinsko vijeće Tešanj na svojoj ____ sjednici održanoj dana _____ 2018. godine, donosi

**ODLUKU
o uspostavljanju “Građanskog sata sa vijećnicima”**

I

Ovom odlukom uspostavlja se mehanizam komunikacije vijećnika sa građanima, odnosno “Građanski sat sa vijećnicima” (u daljem tekstu Građanski sat), definiše se pojam, uspostavljanje i način organizovanja Građanskog sata.

II

Građanski sat predstavlja mehanizam kojim građani neposrednom komuniciraju sa vijećnicima o pitanjima, inicijativama i problematici u zajednici, a vijećnici sa druge strane informišu građane o aktivnostima i planovima Općinskog vijeća.

III

Građanski sat se održava svakog radnog petka, ukoliko ima prijavljenih građana, u principu u periodu od 14,00 do 16,00 sati, uz mogućnost da vijećnik i građani dogovore i drugi termin koji im odgovara. Građanski sat se neće održati u slučaju da je u navedenom terminu zakazano održavanje sjednice Općinskog vijeća.

IV

Kolegij Vijeća izrađuje plan učešća vijećnika u Građanskom satu, a koji će predsjedavajući vijeća usklađivati sa zahtjevima i potrebama građana.

Građani svoja pitanja, inicijative i primjedbe dostavljaju sekretaru Vijeća putem mail adrese optesanj@bih.net.ba, na broj telefona 032-650-020 ili lično, a najkasnije tri dana prije održavanja Građanskog sata, o čemu sekretar obavještava predsjedavajućeg Vijeća. Građani u svom zahtjevu pored teme mogu naznačiti i vijećnika sa kojim žele razgovarati.

V

Vijećnik ima obavezu saslušati stranku i o tome sačiniti zapisnik u kojem se obavezno navodi zaključak sa smjernicama za rješavanje građanskog pitanja, koji se dostavlja sekretaru i predsjedavajućem Vijeća, a po potrebi upućuje Općinskom načelniku na mišljenje.

Vijećnici koji su održali sastanke sa građanima, zajedno sa predsjedavajućim Vijeća analiziraju materijale sa održanih sastanaka.

Prijedloge građana predsjedavajući Vijeća dostavlja Kolegiju Vijeća, radi procjene i eventualnog uvrštavanja u dnevni red Općinskog vijeća.

Građani će imati povratnu informaciju o poduzetim aktivnostima koje su rezultat Građanskog sata.

VI

Ova Odluka stupa na danom objave u „Službenom glasniku Općine Tešanj“.

**PREDSJEDAVAJUĆI VIJEĆA
Senad N. Subašić, dipl.oec.**

Obrazloženje

PRAVNI OSNOV:

Pravni osnov za donošenje ove odluke sadržan je u članu 14. Statuta Općine Tešanj ("Službeni glasnik Općine Tešanj" broj 11/07 i član 116a. Poslovnika o radu Općinskog vijeća Tešanj ("Službeni glasnik Općine Tešanj" broj 7/08, 1/12, 7 /12, 10/14 i 1/18).


RAZLOG DONOŠENJA:

Donošenje ove odluke potrebno je iz razloga jer je usvojena Odluka o izmjenama i dopunama Poslovnika o radu Općinskog vijeća ("Službeni glasnik Općine Tešanj" broj 1/18), a izmjene i dopune se odnose i na donošenj eodluke o Građanskom satu.

Ova odluka i druge aktivnosti na promociji građanskog sata imaju cilj povećati zadovoljstvo građana i uspješnije rješavanje problema građana, kao i veću informiranost građana

Nakon što je Općinsko vijeće Tešanj usvojilo nacrt odluke i istu uputilo u javnu raspravu, održana je javna rasprava u periodu 8.3. - 22.3.2018. godine, sa održanim usmenim dijelom javne rasprave 20.3.2018. u sali Općinskog vijeća. Tokom javne rasprave nisu dostavljeni pismeni prijedlozi, ali tokom usmenog dijela prisutni su iznijeli određene primjedbe i sugestije, koje su prihvađene, kao i određene dorade teksta same odluke, a kako bi odluka bila jednostavnija i prihvatljivija za sve učesnike.

Zbog svega navedenog, Općinskom vijeću Tešanj dostavlja se prijedlog Odluke na razmatranje i usvajanje.




PREDSJEDAVAJUĆI VIJEĆA

Senad N. Subašić

Senad N. Subašić, dipl.oec.

Broj: 01-02-1-481-4/18

Datum: 30.3.2018.godine



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01-02-1-481-3/18

Datum: 22.03.2018.godine

**PREDMET: Izvještaj o provedenoj javnoj raspravi o Nacrtu Odluke
o uspostavljanju "Građanskog sata sa vijećnicima"**

Općinsko vijeće Tešanj je na svojoj 16. sjednici održanoj 28.02.2018.godine, razmatrajući Nacrt Odluke o uspostavljanju "Građanskog sata sa vijećnicima", usvojilo zaključak kojim se prihvata Nacrt i upućuje na javnu raspravu u roku od 15 dana.

Poziv za učešće u javnoj raspravi po Odluci objavljen je na web stranici Općine Tešanj, oglašen putem medija i oglasnih ploča Općine Tešanj. Putem e-maila poziv je dostavljen vijećnicima (25), političkim organizacijama (8), mjesnim zajednicama (25), udruženjima građana (18), Općinskom načelniku sa saradnicima (9). Svim zainteresovanim ostavljen je rok za dostavu pisanih primjedbi i prijedloga do 22.03.2018.godine.

Usmenoj raspravi prisustvovali su: Idriz Subašić predstavnik MZ Bukva, Pašić Danijel vijećnik u Općinskom vijeću Tešanj i predstavnici Općine Tešanj Sabahudin Omerbašić, Mimes Dedukić i Sajda Klepić.

Predstavnik Općine Sabahudin Omerbašić je predložio da se u članu IV navede da Građani svoja pitanja, inicijative i primjedbe dostavljaju sekretaru Vijeća putem mail adrese optesanj@bih.net.ba,

Vijećnik Pašić Danijel je predložio da se u čl. III naznači pored određenog termina za održavanje Građanskog sata i mogućnost da vijećnik i građani dogovore i drugi termin koji im odgovara.

Primjedbe iznesene na usmenoj raspravi su prihvaćene kao i primjedba vijećnika Kaser Vedrana iznesena na sjednici Vijeća (da se vijećnici obavijeste tri dana prije održavanju Građanskog sata), te shodno tome izvršene određene dorade teksta same odluke, kako bi odluka bila jednostavnija i prihvatljivija za sve učesnike.

U ostavljenom roku za dostavu pisanih primjedbi na ponuđeni Nacrt nije bilo primjedbi.

Dostavljeno:

1. Općinsko vijeće,
2. a/a



PREDSJEDAVAJUĆI VIJEĆA

Senad N. Subašić
Senad N. Subašić, dipl.oec.